



প্রধানমন্ত্রীরদপ্তর

ফিকি'র ৯০তম বার্ষিক সাধারণ সভার উদ্বোধনী অধিবেশনে প্রধানমন্ত্রী শ্রী নরেন্দ্র মোদীর ভাষণ

Posted On: 15 DEC 2017 3:23PM by PIB Kolkata

ফিকির সভাপতি শ্রী পঙ্কজ আর প্যাটেলজি, ভারী সভাপতি শ্রী রমেশ সি শাহজি, সেক্রেটারি জেনারেল ডঃ সঞ্জয় বাকজি এবং এখানে উপস্থিত অন্যান্য সম্মানিত ব্যক্তিবর্গ,

আপনারা সকলে আজ নিজেদের সারা বছরের কাজের হিসাব নিয়ে বসেছেন। এবছর ফিকির ৯০ বছর পূর্ণ হয়েছে। যে কোনও সংস্থার জন্য এটি অত্যন্ত গৌরবের বিষয়। আপনাদের সকলকে আমার পক্ষ থেকে অনেক অনেক শুভেচ্ছা।

বহুগণ, ১৯২৭ সালে সাইমন কমিশন গঠন করা হলে তার বিরুদ্ধে ভারতীয় শিল্প জগতের ঐক্যবদ্ধ প্রতিবাদ একটি ঐতিহাসিক ও অত্যন্ত প্রেরণাদায়ক ঘটনা। প্রত্যেকেই নিজেদের ব্যক্তিগত স্বার্থের উদ্দেশ্যে এই প্রতিবাদ জানিয়েছিলেন। তৎকালীন ভারতীয় সমাজের প্রতিটি অঙ্গের মতো রাষ্ট্রহিতে এগিয়ে এসে তৎকালীন শিল্প জগতের প্রতিনিধিরাও সাইমন কমিশন গঠনের প্রতিবাদে সোচ্চার হয়েছিলেন। সেই ভারতীয় সমাজে প্রত্যেক বৃত্তির মানুষ যেমন রাষ্ট্রহিতে এগিয়ে এসেছেন, তেমনই ভারতীয় শিল্পপতিরাও রাষ্ট্র নির্মাণে নিজেদের শক্তি প্রয়োগ করেছেন।

ভাই ও বোনেরা, ৯০ বছর আগে যেমন সাধারণ মানুষ নিজেদের দৈনন্দিন দায়িত্ব পালনের পাশাপাশি দেশের দায়িত্ব সম্পাদনের জন্যও এগিয়ে এসেছিলেন, আজও তেমনই সাধারণ মানুষ আবার সক্রিয় হয়ে উঠেছেন। দেশের জন্য তাঁদের প্রত্যাশার স্তর এখন সর্বোচ্চ। সেজন্য তাঁরা যত শীঘ্র সম্ভব সকল কুসংস্কার, দুর্নীতি ও কালো টাকার কবল থেকে মুক্তি পেতে চান।

সেজন্য আজ প্রতিটি সংস্থা, সে কোনও রাজনৈতিক দল হোক কিংবা ফিকি'র মতো শিল্পপতিদের সংগঠন; তাঁদের জন্য আশ্বাসের সময় সমাগত, যাতে তাঁরা দেশের প্রয়োজনীয়তা, দেশের মানুষের প্রত্যাশা বুঝে নিজেদের ভবিষ্যৎ কর্মপন্থা রচনা করতে পারেন।

বহুগণ, স্বাধীনতার পর বিগত সাত দশকে দেশে অনেক কিছু হয়েছে। কিন্তু এটাও সত্য যে এই সময়কালে আমাদের সামনে বেশ কিছু চ্যালেঞ্জও বড় হয়ে উঠেছে। এই সাত দশক ধরে গড়ে ওঠা ব্যবস্থার বিরুদ্ধে সর্বদাই দেশের নানা প্রান্তে গরিব মানুষকে লড়াই করতে হয়েছে। অনেক ছোট ছোট প্রয়োজনে তাঁদের সংঘর্ষ করতে হয়েছে। ব্যাঙ্ক অ্যাকাউন্ট খুলতে, রাস্তার গ্যাস সংযোগ পেতে গরিব মানুষকে দশ জায়গায় ঘুরতে হ'ত। নিজের পেনশন কিংবা ছাত্রবৃত্তি পেতে এখানে-ওখানে কমিশন দিতে হ'ত।

বর্তমান সরকার ব্যবস্থার সঙ্গে সাধারণ মানুষের লড়াই বন্ধ করার কাজ করছে। আমরা এমন একটি ব্যবস্থা গড়ে তুলতে চাই, যাতে স্বচ্ছতা থাকবে এবং যা হবে সংবেদনশীল। এমন এক ব্যবস্থা, যা সাধারণ মানুষের প্রয়োজন বুঝতে পারবে।

সেজন্য আমরা যখন জন ধন যোজনা শুরু করেছিলাম, তখন এত ভালো সাড়া পেয়েছি। আপনারা শুনে অবাক হবেন, এই প্রকল্প শুরু করার আগে আমরা লক্ষ্য স্থির করতে পারছিলাম না যে, ঠিক কত অ্যাকাউন্ট খুলতে হবে। কারণ, সরকারের কাছে কোনও সঠিক তথ্য ছিল না।

আমরা শুধু বুঝতে পারছিলাম যে, গরিবদের ব্যাঙ্কের দরজা থেকে কখনও ধমকে আবার কখনও নানা নথির বাহানায় ফিরিয়ে দেওয়া হয়। আজ আমরা অনুভব করছি যে, সামান্য সুযোগ পেতেই ৩০ কোটিরও বেশি মানুষ যে নিজেদের ব্যাঙ্ক অ্যাকাউন্ট খুলেছেন, তাতে গরিবদের কত বড় প্রয়োজন মিটেছে। একটি সমীক্ষা থেকে জানা গেছে যে, এই ব্যাপক হারে ব্যাঙ্ক অ্যাকাউন্ট খোলার ফলে বিশেষ করে, গ্রামাঞ্চলে দ্রব্যমূল্য বৃদ্ধি হ্রাস পেয়েছে। এর মানে এই একটি মাত্র প্রকল্প থেকে গরিব মানুষের জীবনে কতবড় পরিবর্তন এসেছে।

ভাই ও বোনেরা, আমাদের সরকার সাধারণ মানুষের সমস্যাও তাঁদের প্রয়োজনীয়তাগুলি মাথায় রেখে সমস্ত প্রকল্প গড়ে তুলেছে, যাতে সাধারণ মানুষের জীবনযাপন সহজ হয়, সেই ভাবনাকে অগ্রাধিকার দেওয়া হয়েছে।

গরিব মহিলাদের উন্নতের কালো ধোঁয়া থেকে মুক্তি দিতে উজ্জ্বলা যোজনা শুরু করেছি। আমরা ইতিমধ্যেই ৩ কোটিরও বেশি মহিলাকে বিনামূল্যে রাস্তার গ্যাস সংযোগ দিয়েছি। এরফলে, সমীক্ষায় জানা গেছে যে, গ্রামীণ এলাকাগুলিতে জ্বালানি মূল্য বৃদ্ধিও হ্রাস পেয়েছে। অর্থাৎ, গরিবদের এখন জ্বালানি বাবদ অনেক কম টাকা খরচ করতে হয়।

আমরা গরিব মানুষের প্রতিটি প্রয়োজন ও সমস্যাকে ধরে ধরে সমাধানের চেষ্টা করে যাচ্ছি। গ্রামের মেয়েদের দৈনন্দিন লজ্জার হাত থেকে রক্ষার পাশাপাশি তাঁদের স্বাস্থ্য ও সুরক্ষা সুনিশ্চিত করতে স্বচ্ছ ভারত মিশন প্রকল্পের মাধ্যমে ৫ কোটিরও বেশি শৌচালয় নির্মাণ করা হয়েছে।

গরিব মানুষের মাথার ওপর ছাদ সুনিশ্চিত করতে তাঁদেরকে যাতে আর ভাড়া বাড়িতে থাকতে না হয়, নিজ মালিকানাধীন পাকা বাড়িতে থাকতে পারেন, সেজন্য প্রধানমন্ত্রী আবাস যোজনা শুরু করা হয়েছে।

বহুগণ, বিজ্ঞান ভরনের এই ঝকমকে আলোকসজ্জা, এই সুন্দর সুদৃশ্য পরিবেশ; আপনারা প্রত্যন্ত অঞ্চলগুলিতে, দেশের গ্রামগুলিতে গেলে এর থেকে অনেক ভিন্ন ধরনের পরিবেশ দেখতে পাবেন। আমি আপনাদের মাঝে সেই দর্শন ভারতের প্রতিনিধিত্ব করছি। সীমিত বোজগার, পড়াশুনার সীমিত সুযোগ কিন্তু অসীম স্বপ্নের দুনিয়া আমাকে এটা শিখিয়েছে যে, দেশের প্রয়োজন বুঝে, গরিবদের প্রয়োজন বুঝে কাজ করতে হবে, সিদ্ধান্ত নিতে হবে, আর সেগুলিকেই বাস্তবায়িত করতে হবে।

মুদ্রা যোজনা দেশের নবীন প্রজন্মের অনেক বড় প্রয়োজন সাধনে কাজে লেগেছে। যে কোনও যুবক-যুবতী নিজের ক্ষমতায় কিছু করতে চাইলে সবচেয়ে বড় প্রশ্ন উঠত যে, বিনিয়োগের টাকা কোথা থেকে আসবে? কোনও ব্যাঙ্ক গ্যারান্টি ছাড়া ঋণ দেয় না। মুদ্রা যোজনার মাধ্যমে সরকার তাঁদের হয়ে ব্যাঙ্কে গ্যারান্টি দিয়েছে। ফলে, বিগত তিন বছরে প্রায় ৯ কোটি ৭৫ লক্ষ ঋণ মঞ্জুর করা হয়েছে। ইতিমধ্যেই ব্যাঙ্কগুলি কোনও রকম গ্যারান্টি ছাড়াই

যুবক-যুবতীদের ৪ লক্ষ কোটি টাকারও বেশি ঋণপ্রদান করেছে। পরিণাম-স্বরূপ, বিগত তিন বছরে দেশ প্রায় ৩ কোটি নতুন স্ব-উদ্যোগী পেয়েছেন।

এই স্ব-উদ্যোগীরাই মুদ্রা যোজনার মাধ্যমে প্রথমবার ব্যাঙ্ক থেকে ঋণ নিয়ে দেশের ক্ষুদ্র শিল্প ক্ষেত্রে পরিধি অনেক দূর বিস্তৃত করেছেন, এমএসএমই ক্ষেত্রকে তাঁরাই মজবুত করেছেন।

সরকার স্টার্ট আপ উদ্যোগকেও উৎসাহ প্রদান করেছে।স্টার্ট আপ-এর সবচেয়ে বড় সমস্যা হ’ল ঝুঁকিপূর্ণ বিনিয়োগ। এই প্রয়োজন মেটাতে সরকার সিডবি’র মাধ্যমে ‘ফান্ড অফ ফান্ড’ বানিয়েছে। এই পদক্ষেপ নেওয়ার পর সিডবি যে বিনিয়োগ করেছে, তা অন্যান্য বিনিয়োগকারীদের সাহায্যে চার থেকে সারে চার গুণ বেশি উদ্দেশ্য সাধনের পথ খুলে গেছে। এর মাধ্যমে স্টার্ট আপ বন্ধুরা যাদের কাছে নতুন নতুন উদ্ভাবনী শক্তি রয়েছে, তাঁরা বিনিয়োগ সহায়তা পাচ্ছেন।

ভাই ও বোনেরা, স্টার্ট আপ-এর বাস্তব ব্যবস্থায় এই পরিবর্তন বিনিয়োগ অত্যন্ত গুরুত্বপূর্ণ। বিগত তিন বছরে সরকারের গ্রহণ করা নীতিগত সিদ্ধান্তের ফলে এ ধরনের বিনিয়োগ অনেক বৃদ্ধি পেয়েছে আর আপনারা হয়ত লক্ষ্য করেছেন যে, সরকার নবীন প্রজন্মের প্রয়োজন মাথায় রেখেই এই সিদ্ধান্তগুলি নিচ্ছে এবং প্রকল্পগুলি গড়ে তুলছে। বিগত সরকারের সময়ে ঠিক বিপরীত ঘটনা আপনারা লক্ষ্য করেছেন, তখন ব্যাঙ্কগুলিকে চাপ দিয়ে হাতে গোনা কয়েকজন বড় শিল্পপতিকে লক্ষ লক্ষ কোটি টাকা ঋণদানে বাধ্য করা হয়েছিল।

বন্ধুগণ, ফিকি নিজের সম্পর্কে বলে, ‘ইন্ডাস্ট্রিজ ভয়েস ফর পলিসি চেঞ্জ’। আপনারা শিল্প জগতের বক্তব্যকে সরকারের কাছে পৌঁছে দেন।আপনাদের সমীক্ষা ও সেমিনার চলতেই থাকে। আমি জানি না যে, বিগত সরকারের নীতির কারণে ব্যাঙ্কিং ক্ষেত্র যে ধরনের দুর্দশার সম্মুখীন হয়েছিল, তা নিয়ে ফিকি কোনও সমীক্ষা করেছিল কি না? আজকাল ‘নিষ্ক্রিয় সম্পত্তি, এনপিএ-এনপিএ’ বলে যে হুঁচকি শোনা যাচ্ছে, তা আসলে বিগত সরকারের দায়িত্বে থাকা মহান অর্থনীতিবিদদের কাছ থেকে পাওয়া উত্তরাধিকার, যা বর্তমান সরকারকে বহন করতে হচ্ছে।

আমার জানতে ইচ্ছা করে, ব্যাঙ্কগুলিকে চাপ দিয়ে যখন হাতে গোনা কয়েকজন বড় শিল্পপতিকে লক্ষ লক্ষ কোটি টাকা ঋণদানে বাধ্য করা হয়েছিল, তখন ফিকির মতো সংস্থাগুলি কী করছিল? পূর্বতন সরকারে দায়িত্বপ্রাপ্ত ব্যক্তিরা জানতেন,ব্যাঙ্কগুলিও জানতো, গোটা শিল্প জগত জানতো, রাজ্যের সঙ্গে যুক্ত সংস্থাগুলিও জানতো যে অন্যায় হচ্ছে। এটাই ইউপিএ সরকারের সবচেয়ে বড় দুর্নীতি। কমনওয়েলথ ক্রীড়াদুর্নীতি, টু-জি, কয়লা – এই সবকটি দুর্নীতির মধ্যে এটিই সবচেয়ে বড়। এই শিল্পপতিদের মাধ্যমে সাধারণ মানুষের রক্ত জল করা টাকা সবচেয়ে বেশি লুণ্ঠ করেছে ক্ষমতাসীননেতৃবৃন্দ। আপনাদের কোনও সমীক্ষায় একবারের জন্যও এই বিষয়ে ইশারা করতে পারেননি।যাঁরা মৌন থেকে সবকিছু দেখে গেছেন, তাঁদেরকে আগ্রহ করার প্রচেষ্টা কোনও সংস্থাকরতে পারলো না!

বন্ধুগণ, ব্যাঙ্কিং ব্যবস্থার এই দুর্দশা শুধরানোর জন্য ব্যাঙ্কিং ব্যবস্থাকে মজবুত করার জন্য বর্তমান সরকার নিয়মিত পদক্ষেপ গ্রহণ করেছে। ব্যাঙ্কের স্বার্থ সুরক্ষিত হলে গ্রাহকদের স্বার্থ সুরক্ষিত হবে, তবেই দেশের স্বার্থ সুরক্ষিত থাকবে।

আমি মনে করি যে, ফিকির মতো সংস্থাগুলি সবচেয়ে বড় ভূমিকা হওয়া উচিত সঠিক তথ্য প্রদানের মাধ্যমে শিল্প জগতের সঙ্গে যুক্ত সকলকে সচেতন করা। যেমন বিগত কিছুদিন ধরে ফাইন্যান্সিয়াল রেজোলিউশন অ্যান্ড ডিপার্সিট ইনস্যুরেন্সবিল বা এফআরডিআই নিয়ে নিয়মিত গুজব ছড়ানো হচ্ছে। সরকার গ্রাহকদের স্বার্থ সুরক্ষিতকরার জন্য ব্যাঙ্কগুলিতে জমা রাখা তাঁদের পুঁজি সুরক্ষার জন্য যে ব্যবস্থা নিচ্ছে,তার বিপরীত গুজব ছড়ানো হচ্ছে। শিল্প জগৎ ও সাধারণ মানুষকে ভ্রম করার জন্য এ ধরনের প্রচেষ্টাকে নস্যাত করতে ফিকির মতো সংস্থাগুলির সক্রিয় ভূমিকা চাই। আপনারা কিভাবে সরকারের বক্তব্য, শিল্প জগতের বক্তব্য এবং সাধারণ মানুষের বক্তব্যের সঙ্গে ভারসাম্য রক্ষা করবেন, সেটাও আপনাদের ভারতে হবে। একটি উদাহরণ দিয়ে আমি আপনাদের বোঝাতে চাই, কেন এই ভারসাম্য প্রয়োজন!

বন্ধুগণ, ভারতের শিল্প জগৎ দীর্ঘকাল ধরে অভিন্নপণ্য ও পরিষেবা কর-এর জন্য দাবি জানিয়ে আসছিল। এখন যখন সেই অভিন্ন পণ্য ও পরিষেবা কর কার্যকরি হয়েছে, তাকে আরও প্রভাবশালী করে তুলতে আপনাদের সংস্থা কী ভূমিকা পালন করছে? যাঁরা সোশ্যাল মিডিয়াতে রয়েছেন, তাঁরা দীর্ঘদিন ধরেই হয়তো লক্ষ্য করছেন যে,মানুষ রেক্সোর্টার’র বিল পোস্ট করে জানাচ্ছেন যে, কর কমে গেছে কিন্তু রেক্সোর্টার’ গুলিমূল দাম বৃদ্ধি করে দেয় টাকার হিসাব সমান করে দিয়েছে। অর্থাৎ, অভিন্ন পণ্য ওপরিষেবা কর চালু হওয়ার ফলে ক্রেতাদের যে সাশ্রয় হওয়ার কথা ছিল, তা হয়নি। এহেন পরিস্থিতির মোকাবিলা করতে সরকার নিজের মতো প্রচেষ্টা চালাচ্ছে। কিন্তু ফিকি’র তরফ থেকেও কি সাধারণ মানুষ ও ব্যবসায়ীদের এ ব্যাপারে সচেতন করার কোনও প্রচেষ্টা হয়েছে?

ভাই ও বোনেরা, অভিন্ন পণ্য ও পরিষেবা কর-এর মতো ব্যবস্থা রাতারাতি গড়ে তোলা সম্ভব নয়। আর আমরা তো বিগত ৭০ বছরের জগদ্বন্দ্বকে হট্টোর চেষ্টা করছি। আমরা চাই যে, দেশের অধিকাংশ ব্যবসায়ী এই ব্যবস্থার সঙ্গে যুক্ত হন।

যে ব্যবসায়ী মাসিক ১ থেকে ১০ লক্ষ টাকার ব্যবসা করেন, এমন ছোট ছোট ব্যবসায়ীদের আমরা দেশের মূল বাণিজ্য ব্যবস্থায় নিয়ে আসার চেষ্টা করছি। নিছকই সরকারের আমদানি বৃদ্ধি কিংবা কর আদায়ের জন্য এটি করছি না। এর মূল উদ্দেশ্য হ’ল ব্যবসা ক্ষেত্রে স্বচ্ছতা বৃদ্ধি। স্বচ্ছতা যত বাড়বে, পরিবার তত বেশি উপকৃত হবেন।দেশের মূল বাণিজ্য ব্যবস্থার অংশীদার হলে ব্যবসায়ীরাও সহজেই ব্যাঙ্কগুলি থেকে ঋণ পাবেন, কাঁচামালের উৎকর্ষ বৃদ্ধি পাবে এবং পণ্য পরিবহণ খরচ সাশ্রয় হবে। অর্থাৎ,বিশ্ব বাণিজ্যে আমাদের ছোট ব্যবসায়ীরাও প্রতিযোগীরা ভূমিকায় অবতীর্ণ হতে পারবেন।আমার আশা যে, ফিকি ইতিমধ্যেই এই ছোট ব্যবসায়ীদের সঠিক রাস্তা দেখানোর জন্য অবশ্যই কোনও প্রকল্প গড়ে তুলেছে।

ভাই ও বোনেরা, আমাকে বলা হয়েছে যে ফিকি’র এমএসএমই ভার্টিক্যাল ২০১৩ সালেই গড়ে উঠেছে। ৯০ বছর পুরনো সংস্থা আর এমএসএমই ভার্টিক্যাল গড়ে উঠেছে মাত্র চার বছর আগে!!! আমি আর কোনও মন্তব্য করতে চাই না, কিন্তু অবশ্যই আশা করবো যে আপনাদের এই ভার্টিক্যাল মুদ্রা যোজনা, স্টার্ট আপ যোজনা, স্ট্যান্ড আপ যোজনা’র মতো প্রকল্পগুলির প্রসারে সাহায্য করবেন! এত অভিজ্ঞ একটি সংস্থা যখন আমাদের ছোট ছোট শিল্পগুলির হাত ধরবে, তখন তাঁরা আরও বেশি শক্তি নিয়ে কাজ করতে পারবে।

সরকার ‘গভর্নমেন্ট ই-মার্কেট প্রেস বা জিইএম নাম কয়ে ব্যবস্থা চালু করেছে, তার মাধ্যমেও দেশের ক্ষুদ্র শিল্পপতিদের নিজেদের যুক্ত করার প্রচেষ্টা চালিয়ে যেতে হবে। জিইএম-এর মাধ্যমে এখন ছোট ছোট নির্মাণকারীও নিজেদের উৎপাদিত বস্তু সরকারকে বিক্রি করতে পারবে।

আপনাদের কাছ থেকে আমার আরেকটি আশা যে, এমএসএমই-রযে টাকা বড় কোম্পানিগুলি ঋণ নিয়ে রেখেছে, তা যেন তারা নির্দিষ্ট সময়ে ফেরৎ দেয়, সেদিকে লক্ষ্য রেখে আপনারা কিছু পদক্ষেপ গ্রহণ করুন। নিয়ম অবশ্যই আছে। কিন্তু এটাও সত্যি যে ছোট শিল্পপতিদের অর্থ অধিকাংশ ক্ষেত্রেই বড় কোম্পানিগুলির কাছে কুক্ষিগত থাকে। ৩-৪ মাস পর পর তারা টাকা পান। ব্যবসায়িক সম্পর্ক যাতে নষ্ট না হয়, সে কথা মাথায় রেখে ছোট ব্যবসায়ীরা নিজেদের টাকা চাইতেও ইতস্তত বোধ করে। আমি চাই, তাদের এইসমস্যা দূরীকরণে আপনারা কোনও উপায় বের করুন।

বন্ধুগণ, এরকম অনেক কারণ ছিল, যার ফলে বিগত শতাব্দীতে আমাদের দেশ সম্পূর্ণভাবে শিল্প বিধ্বংসে কাজে লাগতে পারেনি। আজ এরকম অনেক কারণ রইয়েছে, যার ফলে ভারত একটি নতুন বিশ্ব গুরু করতে পারে।

বর্তমান সরকার দেশের প্রয়োজন বুঝে নতুন নতুন নীতি প্রণয়ন করেছে। কালবাহু আইনগুলি বাতিল করে নতুন আইন প্রণয়ন করেছে।

সম্প্রতি আমরা বাঁশ নিয়ে একটি গুরুত্বপূর্ণ সিদ্ধান্ত নিয়েছি। বাঁশকে গাছ মনে করা হবে কি হবে না, তা নিয়ে আমাদের দেশে দুটি আলাদা আইন ছিল, আমরা সিদ্ধান্ত নিলাম যে, অরগ্যের বাইরে যে বাঁশ জন্মায় এবং চাষ করা হয়, তাকে বৃক্ষ বলে মানা হবে না। এই সিদ্ধান্তের ফলে বাঁশ দিয়ে যার্না নানাকৃতির শিল্প নির্মাণ করেন, দেশের সেরকম লক্ষ লক্ষ ক্ষুদ্র শিল্পপতিরা লাভবান হবেন।

বহুগণ, আমাকে বলা হয়ে যে, ফিকির অধিকাংশ সদস্যই নানা উৎপাদন শিল্পের সঙ্গে যুক্ত কোম্পানিগুলির প্রতিনিধিরা ইঞ্জিনিয়ারিং যন্ত্রপাতি, পরিকাঠামো এবং গৃহ নির্মাণ শিল্পে ব্যবহৃত নানা উপাদান যে কোম্পানি থেকে উৎপাদিত হয়, তাদের প্রতিনিধিরাই ফিকির এক-চতুর্থাংশ সদস্য। ভাই ও বোনেরা, তা হলে নির্মাণ শিল্পে দুর্নীতির খবর আগের সরকারের কানে পৌঁছেছিলো না। মধ্যবিত্ত সম্প্রদায়ের মানুষ শোষিত হচ্ছেন সারা জীবনের রোজগারের জন্মাতো টাকা বিস্তার কিংবা প্রোমোটরদের হাতে তুলে দেওয়ার পর তাঁরা সঠিক মানের বাড়ি পাচ্ছেন না, এই অন্যায়ের বিরুদ্ধে কোনও সঠিক পদক্ষেপ কেন নেওয়া হয়নি? কেন? ‘রেবো’র মতো আইন আগেও প্রণয়ন করা যেত, কিন্তু কেন হয়নি? বর্তমান সরকার মধ্যবিত্ত সম্প্রদায়ের এই সমস্যাগুলি উপলব্ধি করে এই আইন প্রণয়ন করেছে।

ভাই ও বোনেরা, মার্চ মাসে বাজেট পেশ করলে পরিকল্পনা-মাসিক প্রকল্প বাস্তবায়নে সময় পাওয়া যায় না। বর্ষার জন্য ৩-৪ মাস সময়নষ্ট হয়ে যায়। সেজন্য এ বছর এক মাস আগেই বাজেট পেশ করা হয়েছে। ফলস্বরূপ, এই বছর সরকারি বিভাগগুলি নির্দিষ্ট সময়ে টাকা পেয়েছে আর প্রকল্পগুলি বাস্তবায়নে সারা বছর ধরে কাজ করতে পেরেছে।

বহুগণ, বর্তমান সরকার নতুন ইউরিয়া নীতি গ্রহণ করেছে। স্বাস্থ্য ক্ষেত্রে ও বস্ত্রশিল্পে নতুন নীতি গ্রহণ করেছে। বিমান পরিবহণ এবং পরিবহণ ক্ষেত্রে সময়সংক্রান্ত স্বতন্ত্র নীতি গ্রহণ করেছে। নীতি প্রণয়নের জন্য এই নীতিগুলি প্রণয়ন করা হয়নি। নতুন নীতির ফলে দেশে নতুন নতুন ইউরিয়া কারখানা চালু হয়েছে। ইউরিয়ার উৎপাদন ১৮ থেকে বৃদ্ধি পেয়ে ২০ লক্ষ টনে পৌঁছে গেছে। বস্ত্রশিল্প ক্ষেত্রে নতুন নীতি প্রায় ১ কোটি নতুন সুযোগ তৈরি করবে। বিমান পরিবহণ ক্ষেত্রে এবার হাওয়াই চম্পল পরিহিত সাধারণ মানুষও বিমানে যাতায়াত করতে পারবেন। পরিবহণ ক্ষেত্রে সময়সংক্রান্ত নীতির ফলে যাতায়াতের ক্ষেত্রে বৈচিত্র্য বৃদ্ধি পেয়েছে এবং ভিন্ন ভিন্ন পরিবহণ ব্যবস্থার ওপর থেকে চাপ হ্রাস পাবে।

বিগত তিন বছরে ২১টি ক্ষেত্র সংশ্লিষ্ট ৮৭টি গুরুত্বপূর্ণ সংস্কার সাধন করা হয়েছে। প্রতিরক্ষা ক্ষেত্র, নির্মাণ ক্ষেত্র, অর্থ পরিষেবা, খাদ্য প্রক্রিয়াকরণ ইত্যাদি অনেক ক্ষেত্রে বড় পরিবর্তন এসেছে। আপনারা এর পরিণাম অর্থ ব্যবস্থার নানা পরিসংখ্যানে দেখতে পাচ্ছেন।

সহজ ব্যবসার সুবিধার জন্য বিশ্ব রঃগ্যাক্সিং-এ ভারত মাত্র তিন বছরে ১৪২তম স্থান থেকে ১০০তম স্থানে পৌঁছে গেছে। ভারতের রাজকোষে বিদেশি মুদ্রার মজুত ডাঙার ৩০ হাজার কোটি ডলার থেকে বৃদ্ধি পেয়ে ৪০ হাজার কোটি ডলার অতিক্রম করেছে। বিশ্ব প্রতিযোগিতামূলক সূচকে ভারতের রঃগ্যাক্সিং ৩২ স্থান উন্নত হয়েছে। বিশ্ব উদ্ভাবন সূচকে ভারতের রঃগ্যাক্সিং ২১ স্থান উন্নত হয়েছে। পণ্য পরিবহণ দক্ষতা সূচকে ভারতের বিশ্ব রঃগ্যাক্সিং-এ ১৯ স্থান অগ্রগতি হয়েছে। প্রত্যক্ষ বিদেশি বিনিয়োগ ক্ষেত্রে বিগত তিন বছরে প্রায় ৭০ শতাংশ বৃদ্ধি হয়েছে।

ভাই ও বোনেরা, ফিকিতে নির্মাণ ক্ষেত্রের সঙ্গে যুক্ত সদস্য অনেক বেশি রয়েছেন। আপনারা নিশ্চয়ই জানেন যে, নির্মাণ ক্ষেত্রে এখনও পর্যন্ত মোট যত প্রত্যক্ষ বিদেশি বিনিয়োগ হয়েছে, তার ৭৫ শতাংশই বিগত তিন বছরে হয়েছে।

এভাবে বিমান পরিবহণ ক্ষেত্র, খনি ক্ষেত্র, কম্পিউটার সফটওয়্যার এবং হার্ডওয়্যার, বৈদ্যুতিক সরঞ্জাম – এই সকল ক্ষেত্রেই মোট বিনিয়োগের অর্ধেকেরও বেশি বিগত তিন বছরেই হয়েছে।

অর্থ ব্যবস্থা শক্তিশালী করার ক্ষেত্রে আরও কিছু পরিসংখ্যান আমি আপনাদের সামনে রাখতে চাই। আশা করি, দু-তিন দিন আগে পাওয়া এই পরিসংখ্যান আপনারাও জানেন। কিন্তু আমি এগুলির দিকে আপনাদের দৃষ্টি আকর্ষণ করতে চাই।

বহুগণ, গত নভেম্বর মাসে অভ্যন্তরীণ বাজারে যাত্রী পরিবহণকারী যান বিক্রির ক্ষেত্রে ১৪ শতাংশেরও বেশি বৃদ্ধি হয়েছে। ব্যবসায়িক যানের ক্ষেত্রে এই বৃদ্ধি ৫০ শতাংশেরও বেশি, যা দেশের অর্থনৈতিক গতিবিধির পরিচায়ক। তিন চাকা গাড়ির বিক্রিকে রোজগারের ক্ষেত্রে একটি সূচক বলে মানা হয়। নভেম্বর মাসে এই তিন চাকা গাড়ি বিক্রিতে প্রায় ৮০ শতাংশ বৃদ্ধি লক্ষ্য করা গেছে। দ্বিচক্র যানের বিক্রি গ্রামে এবং শহরের মধ্যবিত্ত সম্প্রদায়ের আয় বৃদ্ধির সূচক নির্দেশ করে, এক্ষেত্রেও গত নভেম্বর ২৩ শতাংশেরও বেশি বৃদ্ধি পরিলক্ষিত হয়েছে।

বহুগণ, আপনারা জানেন যে, এত বড় স্তরে পরিবর্তন তখনই সম্ভব, যখন দেশের অর্থ ব্যবস্থার ওপর সাধারণ মানুষের আস্থা বৃদ্ধি পায়। এই উন্নতি প্রমাণ করে যে, সরকার তৃণমূল স্তরে বড় প্রশাসনিক, অর্থনৈতিক এবং আইন সংক্রান্ত পদক্ষেপ গ্রহণ করেছে। এই উন্নতি প্রমাণ করে যে, সরকার সামাজিক সংস্কার ও অর্থনৈতিক সংস্কারের মাধ্যমে কর্মসংস্থানের ক্ষেত্রে গুরুত্বপূর্ণ ভূমিকা পালন করেছে।

আমি যদি শুধুই প্রধানমন্ত্রী আবাস যোজনার কথা উল্লেখ করি, সরকার ২০২২ সালের মধ্যে দেশের প্রত্যেক গরিব মানুষের মাথার ওপর নিজস্ব ছাদ তৈরি করার লক্ষ্য নিয়ে কাজ করে যাচ্ছে। সেজন্য গ্রামে ও শহরে লক্ষ লক্ষ গৃহ নির্মাণ করা হচ্ছে। এই গৃহ নির্মাণের কাজ সেখানকার স্থানীয় মানুষরাই করছেন। স্থানীয় বাজার থেকেই জিনিসপত্র কেনা হচ্ছে। একইভাবে, সারা দেশে গ্যাস পাইপ লাইন সম্প্রসারণের কাজ হচ্ছে। এরফলে, অনেক শহরে নগর গ্যাস বিতরণ ব্যবস্থা গড়ে উঠেছে। যে শহরগুলিতে সিএনজি পৌঁছয়, সেখানকার কাজের বাজারে একটি নতুন দৃশ্যমুক্ত পরিবেশ গড়ে উঠেছে।

ভাই ও বোনেরা, আমরা সবাই যদি দেশের প্রয়োজন বুঝে কাজ করি, তা হলেই সাধারণ মানুষের আশা-আকাঙ্ক্ষা পূরণ করতে পারব। ফিকির সঙ্গে যুক্ত সদস্য কোম্পানিগুলির ও এ বিষয়ে চিন্তা করতে হবে যে, তারা কিভাবে সেসব জিনিস উৎপাদন করবে, যেগুলি ভারত বিদেশ থেকে আমদানি করতে বাধ্য হয়। এরকম অনেক ক্ষেত্র রয়েছে, যার কাঁচামাল আমাদের দেশ থেকে আমদানি করে অনেক দেশ আমাদেরকেই বেশি দামে তাদের উৎপাদিত পণ্য বিক্রি করে। আমাদের দেশকে এই পরিস্থিতি থেকে বের করে আনতে হবে।

বহুগণ, ২০২২ সালে আমাদের দেশ স্বাধীনতার ৭৫ বছর পূর্তি পালন করবে। তার আগেই আমরা সবাই ‘নতুন ভারত’ গঠনের সংকল্প নিয়েছি। ফিকির মতো সংস্থাগুলির কর্মপরিধি এত বৃদ্ধি পেয়েছে, দায়িত্ব এত বেড়েছে যে তাদেরকেও এগিয়ে এসে ‘নতুন ভারত’-এর জন্য সংকল্প নিতে হবে। দেশের উজ্জ্বল ভবিষ্যতের প্রয়োজন বুঝে ফিকিকে কোন্ কোন্ ক্ষেত্রে নতুন সংকল্প গ্রহণ করবে, তা ঠিক করতে হবে। অনেক ক্ষেত্রেই আপনাদের কাজ করার অপার সম্ভাবনা রয়েছে। যেমন – খাদ্য প্রক্রিয়াকরণ, স্টার্ট আপ, কৃত্রিম বুদ্ধিমত্তা, সৌরশক্তি ক্ষেত্র, স্বাস্থ্য পরিচর্যা। এই সকল ক্ষেত্রে ফিকির অভিজ্ঞতা দেশকে সমৃদ্ধ করতে সহায়ক হবে। আপনারাও সংস্থাটি দেশে এমএসএমই ক্ষেত্রের জন্য থিঙ্ক ট্যাঙ্ক হিসাবে কাজ করতে পারে।?

ভাই ও বোনেরা, করতে চাইলে অনেক কিছুই করার আছে। শুধু আমাদের সংকল্প গ্রহণ করতে হবে আর সংকল্প সাধনে লেগে পড়তে হবে। আমাদের সংকল্প সিদ্ধ হলে দেশও উন্নত হবে। শুধু এদিকে লক্ষ্য রাখতে হবে যেমন - ক্রিকেট খেলায় অনেক ব্যাটসম্যান ৯০ রানে পৌঁছে ১০০ রান করার প্রতীক্ষায় ধীরে খেলতে শুরু করেন, ফিকি যেন এরকমটা না করে। উঠুন, একটি ছক্কা মারুন। তারপর একটি চার মারুন - আর এভাবেই ১০০রান করুন!!!

আমি আরেক বার ফিকি এবং তার সদস্যদের শুভেচ্ছা জানিয়ে আমার বক্তব্য সম্পূর্ণ করছি। আপনাদের সকলকে অনেক অনেক ধন্যবাদ।

(Release ID: 1512760) Visitor Counter : 6

